

## OBRAZLOŽENJE PREDLOŽENE TEME DOKTORSKE DISERTACIJE

### „LIDERSTVO, POLITIKA I VOJNA SILA”

#### 1. TIP ISTRAŽIVANJA

Predloženo naučno istraživanje iz oblasti društvenih nauka je prema tipu teorijsko- historijsko temeljno istraživanje. Predmet istraživanja je utvrđivanje naučne spoznaje o mjestu i ulozi lidera u različitim periodima razvoja ljudske zajednice s fokusom na odnos između politike i vojne sile. Također, istraživanje obuhvata pojedinačni obim i sadržaj liderstva, politike i vojne sile i njihov međusobni odnos i uticaj.

Istraživanjem će se doći do spoznaja kako i koliko su lideri realizirajući funkciju liderstva kroz politiku upotrebljavali vojnu silu i na taj način ostavili trajni trag u historiji čovječanstva.

Istraživanjem će se ispitati bit praktičnog razumijevanja liderstva i korelacija sa stepenom etičnosti i profesionalne (stručne) kompetentnosti kroz viziju ključnih vrijednost vođenja. Također, u fokusu istraživanja je i fenomen karizme u svim historijskim okolnostima u politici i vojnoj sili i njihov uticaj na sljedbenike.

Sa prostornog i vremenskog aspekta istraživanje obuhvata širi geografski prostor a vremnski obuhvata period od najranijeg organizovanja državnih zajednica do danas.

#### 2. CILJ ISTRAŽIVANJA

##### a) Naučni cilj

Naučni cilj ovog istraživanja je unaprijeđenje i proširenje postojećih naučno-teorijskih spoznaja o specifičnosti odnosa između liderstva i politike, liderstva i vojne sile kroz historiju. Takođe, jedan od ciljeva istraživanja je stepen interakcije između lidera i sljedbenika u datim historijskim okolnostima.

Naučni cilj ovog istraživačkog projekta je i utvrđivanje odnosa između dominantnog

konvencionalnog stava i stava da se lideri mogu razvijati i unapređivati kroz proces učenja i praktičnog djelovanja.

#### **b) Društveni cilj:**

Cilj istraživanja u društvenom kontekstu ogleda se u razumijevanju značaja uloge liderstva, posebno u implementaciji liderstva kroz politiku i vojnu silu, sagledavajući taj odnos u historijskom kontekstu i uređenju današnjeg društva, sa posebnim osvrtom na etičku dimenziju liderstva.

Istraživanjem ćemo utvrditi korelaciju između dobrog liderstva i tehnički efikasnog i dotjeranog liderstva.

Pored gore navedenog istraživanje će doprinjeti značajnijem uticaju na promjenu svijesti, kroz značajnije promjene u društvenoj zajednici do relevantnije mjere etičke dimenzije lidera, sa fokusom na državo-patriotsku i državotvornu svijest uz afirmiranje pozitivnih društvenih vrijednosti.

Postizanjem ovog cilja realno je očekivati da oni mogu kreirati vizije koje će biti u stanju mobilizirati sljedbenike kako bi se dogodile očekivane promjene, a sve u cilju progresa i napretka društvene zajednice u cijelini.

### **3. ZADACI ISTRAŽIVANJA**

- a) istraživanje funkcije liderstva;
- b) analiza tipova lidera;
- c) analiza uloge lidera kroz prizmu politike i upotrebe vojne sile;
- d) analiza neposrednog i posrednog uticaja lidera na društvene tokove na lokalnom, regionalnom i svjetskom nivou kroz historiju i
- e) analiza uticaja sljedbenika na lidere na lokalnom, regionalnom i svjetskom nivou.

#### 4. ISPITANICI (MATERIJALI) I METODOLOGIJA ISTRAŽIVANJA

Istraživanje o temi „Liderstvo, politika i vojna sila“ je teorijsko - historijsko, u okviru kojeg ćemo koristiti sljedeće metode:

##### a) Osnovne metode

*Analiza* - prva i najosnovnija metoda u procesu naučnog saznanja, predmet joj je stvarna ili misaona složena cjelina čiji se dijelovi, činioči, momenti i odredbe mogu konstatovati i otkriti odnosno identificirati.

*Sinteza* – Povezuje ranija saznanja sa novim saznanjima i integriše ih u jednu cjelinu.

##### b) Općenaučna metoda

Opštenaučna metoda koja će biti primjenjena je *hipotetičko-deduktivna metoda*.

Osnovni postulat na kojem se zasniva ova metoda je selektivno provjereno i potvrđeno društveno iskustvo od strane mnoštva subjekata i to u razna vremena i na raznim mjestima. U sastav ljudskog saznanja, odnosno, ukupnog metodološkog saznanja ulazi iskustveno, odnosno ljudsko i društveno saznanje pri čemu je potrebno imati u vidu razvojnost i promjenjivost tih saznanja. Ova metoda će se primjenjivati u formulaciji problema, teorijskom određenju predmeta istraživanja, od koncipiranja istraživačkog rada i zadatka do njegovog završetka, kroz cijeli tok i realizacije istraživanja doktorske disertacije.

##### c) metode prikupljanja podataka

Metoda analize sadržaja dokumenata i metoda opservacije sa učešćem koristit će se kao metoda prikupljanja podataka.

Operativna metoda koju ćemo primjeniti je analiza sadržaja dokumenata koji imaju svojstva međunarodnih i državnih propisa, kao i teorijsko-historijskih zapisa.”

Metodom analize sadržaja podatke otkrivamo, definišemo i odabiramo. Prednost ove metode je što omogućava istraživanje na daljinu, bez obzira u kom vremenu se vrši istraživanje.

Metoda opservacije sa učešćem se u istraživanju društvenih pojava malo upotrebljava. Ograničenu upotrebu ove metode više su uzrokovali drugi faktori nego njene slabosti. U ovom istraživačkom radu ovu metodu ćemo koristiti u poglavlju koje govori o Bosni i Hercegovini nakon 1990 i njenim karakterističnim liderima.

## **5. ZNAČAJ-DOPRINOS PREDLOŽENOG PROJEKTA DOKTORSKE DISERTACIJE**

### **a) Naučni značaj**

Naučni značaj ovog istraživačkog rada ogleda se u spoznaji da će unaprijediti postojeća naučno-teorijska saznanja i spoznaje o specifičnosti odnosa između liderstva i politike, liderstva i vojne sile u historijskom kontekstu posmatrano.

Istraživanjem će se naučno utvrditi stepen interakcije između lidera i sljedbenika u datim historijskim okolnostima.

### **b) Društveni značaj**

Istraživanje će doprinjeti boljem društvenom razumijevanju značaja uloge liderstva, fokusirano u implementaciji liderstva kroz politiku i vojnu silu, razumijevajući taj odnos u historijskom kontekstu, ali i na oblikovanju i uređenju današnjeg društva, sa posebnim naglaskom na etičku dimenziju liderstva.

### **c) Praktični značaj**

Ovo istraživanje će značajno doprinijeti promjene svijesti, kroz promjene u društvenoj zajednici sa fokusom na državotvornu svijest uz afirmiranje pozitivnih društvenih vrijednosti.

Rezultati dobiveni istraživanjem će praktično pomoći i budućim studentima u istraživanju fenomena liderstva u naučnim oblastima politologije, historije, sociologije, sigurnosti, odbrane i psihologije u vlastitim istraživanjima. Također, rezultati dobiveni istraživanjem će poslužiti kao polazna osnova naučnim istraživačima u specifičnim području a koja se mogu

dovesti u vezu sa liderstvom, politikom i vojnom silom.

Politički subjekti i marketing agencije će u znatnoj mjeri koristiti spoznaje utvrđene ovim istraživanjem u svjim svakodnevnim djelatnostima.

KANDIDAT



Mr. sci Senahid Godinjak

Prilozi:

- Kopija diplome završnog studija
- Kopija diplome magistra nauka